

Mensahe 6

**Mopadayon uban sa Ginoo
gikan sa Tabernaculo nga Iglesiahanong Kinabuhi
ngadto sa Templo nga Iglesiahanong Kinabuhi
aron Matukod ang Lawas ni Cristo
nga Templo sa Dios nga Buhi**

Basahong Kasulatan: Mat. 12:3-4, 42; Juan 14:21, 23; Rom. 8:28-29;
Sal. 27:4; 36:8-9; 43:4; 84:4-5

- I. Nangandoy ang Ginoo sa sulod nato nga mopadayon gikan sa tabernaculo nga iglesiahanong kinabuhi sa kamingawan sa kalag ngadto sa templo nga iglesiahanong kinabuhi uban ni Cristo, nga malangkobon-sa-tanan nga Espiritu, nga realidad sa maayong yuta diha sa atong espiritu—Heb. 6:1a; Jos. 3:14-17; Deut. 8:8; Efe. 2:21-22; Col. 1:12; 2:6-7.**
- II. Naghulagway sa duha ka aspeto sa iglesia ang tabernaculo ug ang templo:**
 - A. Nagpakita ang 1 Hari 8:1-11 nga giusa ang tabernaculo sa templo; ang tabernaculo maoy mag-uuna nga madaladala nga nilatas sa kamingawan, samtang ang templo maoy kahingpitan sa pagtukod sa Dios diha sa tipolohiya.
 - B. Ang templo nga pagdako sa tabernaculo nagtimaan sa pagpakusog ug pagpalig-on sa iglesia, ug ang pagbag-o ug pagdako sa kahimanan sa templo nagtimaan sa pagbag-o ug pagdako sa kasinatian sa mga balaan ni Cristo; ang mga sukod sa templo ug sa Dapit Labing Balaan sulod sa templo kaduhaon sa mga sukod sa tabernaculo; labot pa, gawas lang sa Arka, gipadak-an pag-ayo ang gidak-on ug gidaghanon sa kasangkapan ug mga galamiton alang sa gipadakong pagpadayag Niya—6:2, 20; 2 Cron. 4:1-8; itandi sa Exo. 26:3, 16, 18, 22-24, 33.
 - C. Naghulagway ang tabernaculo sa iglesia sa Dios dinhi sa yuta, o sa Iyang iglesia sa mga lokalidad, samtang nagtimaan ang templo sa iglesia nga realidad sa Lawas ni Cristo; ang mga iglesia lokal maoy bililhong pamaagi nga maghatod nato sa realidad sa Lawas nga mahimayaong tumong sa pamatigayon sa Dios—Efe. 1:22-23; itandi sa Bug. 21:10-11.
 - D. Ang bugtong-talagsaong pagpangalagad alang man sa bugtong-talagsaong panghimatuod sa Dios, ug ang bugtong-talagsaong panghimatuod sa Dios, ang realidad sa Lawas ni Cristo, maamgohan diha sa mga iglesia lokal—Exo. 25:22; 38:21; Bug. 1:2, 9; itandi sa Efe. 4:4; Juan 16:13.
 - E. Ang Lawas nga gihulagway sa 1 Corinto 12 mao gyod unta ang panghimatuod sa iglesia lokal; kini ang panghimatuod sa Lawas; ang igle-

Mensahe 6 (sumpay)

sia lokal karon panghimatuod gyod unta nga nagpadayag sa realidad sa Lawas ni Cristo—vv. 14-18, 20.

- F. Naanaa ang iglesia aron manghimatuod sa pagkausa; maghisgot ngani ta sa “iglesia lokal,” ang gihatagan natog gibug-aton mao ang iglesia ug dili ang “pagka-lokal”; kinabuhi sa pagkausa ang kinabuhing nabatonan sa mga iglesia—Juan 17:11, 21, 23; Bug. 1:10-12.
- G. Ang panghimatuod sa realidad sa Lawas ni Cristo mao ang kataposang pahiuili sa Ginoo—ang pagpahiuili sa walay kataposang pamatigayon sa Dios nga si Cristo maoy tanan alang nato, naay pagkausa sa Lawas ni Cristo, ug naglihok ang tanang bahin sa Iyang Lawas—1 Tim. 1:3-6; 6:3-5; Heb. 13:9; Efe. 1:17; 3:2, 8-11, 16-21; 4:1-6, 16.

III. Ang Ebanghelyo ni Juan ebanghelyo ni Cristo nga kinabuhi aron matukod ang iglesia nga templo sa Dios nga buhi; gibuhat kining pagtukora pinaagi sa pagsinati ug pagpahimulos nato sa gilansang sa krus ug nabanhaw nga Cristo nga kahoy sa kinabuhi—Bug. 2:4-7; 1 Ped. 2:24; Juan 11:25; 6:57, 63; 2 Cor. 6:16:

- A. Ang prinsipyo sa kinabuhi pag-usab man sa kamatayon nga makinabuhi (Juan 2:1-11), ug ang tuyo sa kinabuhi pagtukod man sa iglesia nga balay sa Dios, templo sa Dios (vv. 12-22); mao nga nipahayag ang Ginoo nga, “Gub-a ninyo kining temploha, ug patindogon Ko kini sa tulo ka adlaw” (v. 19).
- B. Pinaagi sa Iyang kamatayon, sa pagkalaglag sa Iyang pisikal nga lawas didto sa krus, gipangako Niya ang atong mga kalapasan ug kadaotan aron matubos ug mamatarong ta, ug ang Iyang kamatayon aron man ma-ayo ang atong mga balatian—Isa. 53:4-6; Rom. 3:23-26; 1 Ped. 2:24.
- C. Ang pagkalaglag sa pisikal nga lawas sa Ginoo pagkalaglag sab sa yawa, nga dunay gahom sa kamatayon; sa pagkamatay Niya sa krus, gilansang sa krus ang daang kabuhatan, ang daang tawo, ang unod, si Satanas, ang sala, ang mga sala, ug ang kalibotan; busa, sa pananaw sa Dios, sa gilansang na sa krus si Cristo, nahinloan ang tibuok uniberso—Heb. 2:14; Rom. 6:6; Gal. 2:20; 5:24; Juan 1:29; 3:14; 6:70-71; 12:31; Mat. 16:23; 1 Cor. 15:3.
- D. Ang pagkalaglag sa pisikal nga lawas sa Ginoo ug ang pagpabangon Kaniya sa tulo ka adlaw pagkamatay sab Niya ingog lugas sa trigo ug pagkabanhaw aron makagula ug ikapaambit ang diosnong kinabuhi sa Dios nga diosnong kalayo Niya nganha sa daghang magtutuo Niya aron himoon silang hulad sa Dios—Juan 12:24; Luc. 12:49-51.
- E. Pinaagi sa kamatayon ug pagkabanhaw ni Cristo, nidako ang pisikal nga lawas Niya aron mahimong hiniusa ug misticong Lawas, nga mao ang unibersoanong templo sa Dios, ang iglesia nga balay sa Dios nga buhi—1 Cor. 3:16-17; 1 Tim. 3:15; 1 Ped. 2:5; Efe. 2:21-22.

Mensahe 6 (sumpay)

- F. Ang daghang puluy-anan mao ang daghang bahin sa Lawas ni Cristo, nga mao ang templo sa Dios—Juan 14:2, 23; Rom. 12:5; 1 Cor. 3:16-17.
- G. Isip daghang trigo nga gipalugwa sa nagpagula-og-kinabuhi nga kamatayon ni Cristo ug ang daghang puluy-anan sa misticong Lawas ni Cristo nga gipalugwa sa nagpaambit-og-kinabuhi nga pagkabanhaw ni Cristo, kita gyod unta ang mga nahigugma Niya sa kinahingpitan gyod sa pagkinabuhi nato sa kinabuhing linansang sa krus aron mapadayag ang kinabuhi sa pagkabanhaw pinaagi sa gahom sa bahandi nga naa sa kulonong mga sudlanan nato—Juan 14:21, 23; Rom. 8:28-29; 2 Cor. 4:7-18; 12:7-9.

IV. Naghulagway ni Cristo si David ug si Solomon sa duha ka aspeto alang sa pagtukod sa Dios:

- A. Naghulagway si David ni Cristo sugod sa Iyang pagpakatawo lakip na sa Dios-tawong pagkinabuhi ug mga pag-antos Niya hangtod sa Iyang kamatayon (sugod sa pasungan hangtod sa krus)—Mat. 12:3-4; 22:41-46.
- B. Naghulagway si Salomon ni Cristo sa Iyang pagkabanhaw diha sa himaya isip Espiritung taghatag-og-kinabuhi nga naa nato (lakip na ang paglingkod Niya sa trono ug ang ikaduhang pag-anhi Niya aron magbuot sa Iyang gingharian dinhi sa yuta) nga namulong sa pulong sa kaalam sa Dios aron matukod ang iglesia nga templo sa Dios—12:42; 2 Cron. 1:10; 1 Cor. 1:24, 30; 12:8.
- C. “Gipamatud-an [sa Dios] ug niingon, Nakita nako si David, ang anak nga lalaki ni Isai, nga tawong uyon sa Akong kasingkasing, nga mobuhat sa tanan Nakong kabubut-on” (Buh. 13:22); “nakaalagad na [si David] sa kaugalingon niyang kaliwatan pinaagi sa gilaraw sa Dios” (v. 36); tawo siya nga uyon sa kasingkasing sa Dios (1 Sam. 13:14) kay, ingon sa panghimatuod ni Salomon, “Naa sa kasingkasing ni David nga akong amahan ang pagtukod og balay alang sa ngalan ni Jehova nga Dios sa Israel” (1 Hari 8:17-20; itandi sa Efe. 1:5, 9; 1 Cor. 12:12-27—tan-awa ang nota 2 sa v. 13).
- D. Nag-antos si David sukad sa pagkabatan-on niya, apan pinaagi sa iyang pag-antos giandam niya ang mga materyal, naangkon ang hustong sukaranan nga katukoran sa templo, ug giandam si Salomon, nga magtutukod, ug ang tanang katabang—1 Cron. 21:18-30; 2 Cron. 3:1; 1 Cron. 28:9-11, 20-21.
- E. Ang pag-andam ni David og daghan kaayong materyales alang sa pagtukod sa templo sa Dios naghulagway sa pagsangkap ni Cristo sa dili matugkad nga kadato Niya alang sa pagtukod sa iglesia sa Dios—18:7-11; 22:2-5, 14-16; 28:2; 29:2-9; itandi sa Efe. 3:8-10.
- F. Ang pag-andam ni David diha sa iyang kasakit (1 Cron. 22:1, 14), sa iyang mga pagsulay, ug sa iyang pagdaog sa mga pagpakig-away niya

Mensahe 6 (sumpay)

naghulagway sa datong sangkap ni Cristo alang sa pagtukod sa iglesia sa Dios diha sa Iyang mga pagsulay ug sa Iyang pagdaog diha sa kinabuhi Niya nga nakig-away batok ni Satanas ug sa gahom niya sa kangitngit (Mat. 4:4, 7, 10).

- G. Ang sumbanan sa templo nga gihatag ni David mao “ang sumbanan sa tanang naa niya pinaagi sa Espiritu” (1 Cron. 28:12); “kining tanan, niingon si David, gipatin-aw Niya kanako pinaagi sa sinulat gikan sa kamot ni Jehova, ang tanang detalye sa sumbanan” (v. 19; itandi sa 2 Cor. 3:3); sumala gyod ning sumbanana ang templong gitukod ni Salomon (1 Cron. 28:11).
- H. Ang hinan-ay nga pagpahaluna ni David sa mga pag-alagad sa Israel ngadto sa Dios kalabot sa templo sa Dios (6:31-48; cap. 23—26) naghulagway sa hinan-ay nga pagpahaluna sa Espiritu sa mga pag-alagad sa iglesia sa Bag-ong Tugon (1 Cor. 12:4-27) ug naghulagway nga isip Ulo sa Lawas, gipahaluna ni Cristo ang han-ay diha sa Lawas Niya nga imintinar gyod sa tanang bahin (v. 18; 14:40).
- I. Ang *blueprint* sa iglesia mao ang Espiritu sa pagkabanhaw—ang Espiritung malangkobon-sa-tanan, taghatag-og-kinabuhi, sinagol, nag-puyo-sa-sulod; magkinabuhi ngani ta diha sa Espiritu sa pagkabanhaw nga naa sa atong espiritu, matuman sa sulod nato ang realidad sa pagtukod ni Salomon sa templo sumala sa plano ni David (uban sa tanang sagol sa Dios-tawong pagkinabuhi, kamatayon ug pagkabanhaw ni Cristo)—Juan 2:19; Fil. 1:19; Efe. 1:17; 2:22; 3:5, 16; 4:23; 5:18; 6:18.
- J. Nagpasabot og “kalinaw” ang ngalang Salomon, nagpasabot nga gitukod ni Cristo nga “tawo sa pahulay” ang iglesia diha sa kalinaw, nga wala gyoy kasaba—1 Cron. 22:9; Buh. 9:31; Efe. 4:29-32:
 - 1. Ang matag bato nga gigamit sa pagtukod sa templo, sa prinsipyo, gisilsil ug gihinloan na didto sa kabukiran; mao nga walay madungog nga tingog sa martilyo, wasay, ug himan nga puthaw ug hilom nga gitukod ang templo—1 Hari 5:15-18; 6:7.
 - 2. Kon maanciano ang brother nga wala pa mabatoki sa Ginoo (nga walay undang nga namulong, dili maayong mamiminaw, ug sa ingon niana dunay salabotang wala mabag-o), mapuno ang iglesia sa kasaba sa martilyo, wasay, ug himan nga puthaw; ang ubang “kasaba” tungod man sa pipila ka balaang nag-awayay sa pag-ampo nila nga nagpawalay-pulos sa pag-ampo sa usag usa—itandi sa Isa. 50:4-5; Efe. 4:23.
 - 3. Sa iglesia, makadungog ngani tag pagpanaway, paghukom, pakig-lantugi, ug pagsupak sa uban, mosibog gyod ta ug mosulod sa Dapit Labing Balaan, sa ato pa, mosibog ug modangop sa atong espiritu; gitukod ang templo sa kahilom—Gal. 6:17-18; Isa. 30:15a.

Mensahe 6 (sumpay)

4. Sa nakapahulay na ang Arka, ang mga gipahaluna ni David nga moalagad sa pag-awit sa balay ni Jehova nangalagad atubangan sa Toldang Tigomanan uban sa pag-awit hangtod natukod ni Salomon ang balay ni Jehova didto sa Jerusalem—1 Cron. 6:31-32.
 - K. “Nagpuyo [ta] uban sa Hari alang sa Iyang buhat,” nagpahimulos Niya nga gilansang sa krus ug nabanhawng Cristo aron matukod Siya nganhi nato para mahingpit ta ug mahimong mga haligi sa iglesia nga balay sa Dios—*Mga Alawiton*, #904; 1 Cron. 4:23; 1 Hari 7:17, 21; Bug. 3:12.
 - L. Sa pagpahimulos nato ni Cristo nga malangkobon-sa-tanan nga mao ang gahom sa pagkabanhaw ug ang nagbanhaw ug naghatag-og-kinabuhi nga Espiritu sa nahikay nga Tulo-usang Dios (ang tinuod ug labaw nga Salomon), makaapil ta sa pakig-ambitay sa mga pag-antos ni Cristo ug sa Dios-tawong pagkinabuhi Niya nga tawo sa pag-ampo aron mapahiuyon ta sa Iyang kamatayon (isip tinuod ug labaw nga David) tungod ug alang sa Iyang Lawas (ang tinuod ug labaw nga templo)—Fil. 3:10; Rom. 8:11; Mat. 12:3-4, 42; Juan 2:19-22; 2 Cor. 6:16.
- V. Habog pa sa atong mga hunahuna ug mga paagi ang mga hunahuna ug mga paagi sa Dios sa pagtukod sa iglesia nga templo sa Dios nga buhi; isalikway gyod nato ang atong mga paagi ug mga hunahuna ug mobalik ni Jehova nga atong Dios aron magbatasan sa pagpahimulos Niya diha sa iglesia nga templo sa Dios nga buhi—Gen. 2:9; Juan 6:35, 57, 63; Isa. 55:6-13; 57:20; Juan 1:14; 2:19; 3:34; 17:17; Efe. 5:26; 2 Cor. 3:15-18; 6:16; Rom. 8:28-29; Bug. 22:1-2:**
- A. Isip mga anak sa Dios, usbon gyod nato ang atong hunahuna ug makaamgo nga ang tinguha sa Dios paghatag man sa Iyang Kaugalingon kanato aron atong mapahimuslan—Sal. 36:8-9; 16:11; 19:8; 27:6; 42:4-5; 48:2; 63:7; 66:1-2; 81:1; 89:15-18; 95:1-2; 100:1-2; 126:1-6; Neh. 8:10; 1 Juan 1:3-4:
 1. Pagpahimulos sa Dios ang pagpamunga—Juan 15:7-11.
 2. Pagpahimulos sa Dios ang pag-ampo—Lam. 3:55-56; *Mga Alawiton*, #255.
 3. Pagpahimulos sa Dios ang pagpangalagad sa pulong—Juan 6:57, 63; 7:37-39; 1 Cor. 15:10; 2 Cor. 3:1-6, 18; 2:17; 13:3; Efe. 3:2; 1 Ped. 4:10-11; Jer. 15:16; Ezeq. 3:1-4; Isa. 55:8-11.
 4. Pagpahimulos sa Dios ang pagsangyaw sa ebanghelyo—Juan 4:10, 13-14, 31-34.
 5. Pagpahimulos sa Dios ang pagpagiya Kaniya—Exo. 33:14.
 - B. Ang sekreto sa pagkinabuhi sa Cristohanong kinabuhi aron mahimo tang mga mananaog pagbatasan man nga magpahimulos sa Dios nga kahoy sa kinabuhi; dili tuyon sa Dios nga mobuhat tag bisan unsa alang

Mensahe 6 (sumpay)

Niya; nagtinguha ra Siya nga ihatag ang Iyang Kaugalingon kanato ingon nga kalan-on aron atong mapahimuslan—Gen. 2:9; Bug. 2:7.

- C. Natilawan ug nakita nato nga maayo si Jehova (Sal. 34:8) diha sa balay sa Dios, sa templo sa Dios, sa ato pa, diha ni Cristo (Juan 2:19-22), sa iglesia (1 Tim. 3:15; 1 Cor. 3:16-17; 2 Cor. 6:16), sa atong espiritu (Efe. 2:22), ug sa kapulihay sa Bag-ong Jerusalem (Bug. 21:22).
- D. Higugmaon gyod nato ang puluy-anan sa balay sa Dios, ang templo, ug ang dapit nga gipuy-an, gipabilinan, sa Iyang himaya aron mapadayag—Sal. 26:8; 84:1; 29:9b; Efe. 3:20-21a.
- E. “Usa ka butang ang gipangayo ko ni Jehova; / Nga tinguhaon ko: / Nga magpuyo ko sa balay ni Jehova / Sa tanang adlaw sa akong kinabuhi, / Aron mosud-ong sa katahom ni Jehova, / Ug magpakisayod sa Iyang templo” (Sal. 27:4); ang balay ni Jehova mao ang gipadako, unibersohanon, diosnon-tawhanong panagtagik aron mapadayag, matagbaw, ug makapahulay ang Amahan (Juan 14:2, 20, 23).
- F. Diha ni Cristo, sa iglesia, ug sa atong espiritu, mapahimuslan nato “ang nahimutang nga Dios” isip katambok sa Iyang balay nga mosurop nato, isip suba sa Iyang mga kahimuot nga mokuha sa atong kauhaw, ug isip tuboran sa kinabuhi ug kahayag nga mopakaon ug mohayag nato—Sal. 36:8-9.
- G. “Moadto ko sa halaran sa Dios, / Ngadto sa Dios nga akong hilabihan nga kalipay; / Ug magdayeg ko Nimo uban sa alpa / O Dios, nga akong Dios”—43:4.
- H. Sa balay sa Dios, sa templo sa Dios, mapahimuslan nato ang kaluwasan sa panagway sa Dios, ang presensya sa Dios (42:5), aron mahimo Siyang kaluwasan sa atong panagway (v. 11).

VI. “Bulahan kadtong nagpuyo sa Imong balay; / Magdayeg pa sila Nimo. Selah / Bulahan ang tawo nga ang kalig-on niya naa Nimo, / Nga sa iyang kasingkasing naa ang dagkong dalan paingon sa Sion”—84:4-5:

- A. “Daygon ko ang Imong ngalan hangtod sa kahangtoran”—145:2.
- B. “Samtang buhi pa ko magdayeg ko ni Jehova; / Mag-awit kog mga salmo sa akong Dios samtang buhi pa ko”—146:2.
- C. “Balaan Ka, Ikaw nga gipalingkod sa trono / Sa mga pagdayeg sa Israel”—22:3.
- D. “Nan, maghalad tag halad sa pagdayeg sa Dios pinaagi Niya sa mapadayonon gyod, sa ato pa, sa bunga sa mga ngabil nga niila sa Iyang ngalan”—Heb. 13:15; Fil. 2:11.